



Ассаламу алайкум, дубурлантми!

ШИЛА ГІЯМРУ

СЕЛЬСКАЯ ЖИЗНЬ



Дахадаевла районна жамигІятла - политикала газета

№ 7 (8445) 2021-ибил дус.

Февральла 12. ЖумягІ.

Багъа 12 къуруш 32 кепек

Районна администрациялизиб

ГІядлу-зегъа далтахъниличила баянти гъаладихъиб

Гъалаван районна собраниела депутатунала гъалав гъайухъунси Россияла ОМВД-ла Дахадаевла районнизибси отделла начальник СултІан ГІяхІмадовли арбякъунси дуслизир низам-къяйда дузахънила даражаличила ва полицияла хІянчизартани барибси хІянчила хІекълизирти баянти гъаладихъиб.

Сессияла бузерилизир бутІакъяндеш дариб районна бекІ Жаруллагъ ГІямаровли, илала заместительтани, районна прокурор ПирмяхІаммад Абакаровли, районна учреждение-балара организациябалара руководителтани.

Депутатунала гъалав гъайулхъули, ГІяхІмадовли буриб арбякъунси дуслизиб полицияла бузерила даража чІумасири ва мурталра хІерудилиубри или.

«ОМВД-ла руководства ва личный состава районнизир такъсирчидешла декІти анцІбукъуни кахІедиркахъниличи, террорист баркъудлуми кахІедиркахъниличи, такъсирчиби ва НВФ-ла членти бургниличи, ГІядлу-зегъа дулгахъни хІебирахъниличи, ОМВД-ла цархІилти ГІядлу-зегъа далтахъантачил ва службабачил бархбасуни уржахъниличи, илдигъунти бетуцунала шайчирти далдуцуни хІядурдирниличи ва дурадуркІниличи бузери бяхІчаибсири», - буриб ГІяхІмадовли.

Илкъяйдали полицияла подполковникла гъай хІясибли, ОМВД-ла личный составли арбякъунси дуслизиб оперативно-профилактический хІянчи дурабуркІухІели 1 обрез, 1 тупанг, 1 пистолет, 63,57 грамм марихуана керасибтири.

«Оперативно-профилактический далдуцуни дурадуркІнила дазурбазир «Оружие-выкуп» («Ярагъ-исни») ибси бетуцлизир адamtани 8 ярагъ саби ГІяхІулалли нушачи хибтири», - бурулри илини.

ГІур СултІан ГІяхІмадовли арбякъунси дуслизир районнизир такъсирчидешла анцІбукъуни кадикниличила ва шимазибси такъсирчидешла агиличила буриб. Илкъяйдали илини баянти гъаладихъиб экстремизмала ва терроризмала баркъудлумачи къаршили бируси хІянчиличила, дурхІнани ва ГІулухъабани такъсирчидешла баркъудлуми дурахІедуркІлахъес багъандан дурадуркІути далдуцуначила.

«ДурхІнала такъсирчидешла баркъудлумала шайчибси подразделениела хІянчизартани ва ОМВД-ла руководителтани мурталра районна багъудила учреждениебазир бучІантачил ва илдала бегІтачил гъунибаъниби дурадуркІули сари такъсирти, экстремизмала баркъудлуми дурадуркІес, держ ва наркотикуни пайдаладирес, гъундурачиб башнила тяхІяр-къяйда дулъес асухІебирниличила баянбирули.

Гъай ахъдуциб илкъяйдали пандемияла изала тІинтІбикІнила урехила манзиллизиб дураберкІибси хІянчиличила. «Районна полициялис пандемияла замана сагати аги-къяйдаличи бурсикабиэс чебуркъуб. Илди кабурхулри, хъулиб кахІели, ГІядлу-зегъа гъатІира чІумали дузахъули бузутала къяянази. Илди чекабизурлири адamtани чейхъуси изайчи къаршили дурадуркІути далдуцуни чедетаахъили гъунчидиркахъниличи. Гъар бархІи ГІядлу-зегъа дузахъанти, тухтурти къяйда, чекабизурли бузутири», - буруси таманбирули сай ГІяхІмадовли.

Доклад таманбиубли гІергъи, СултІан ГІяхІмадовли депутатунала суалтас жавабти дедиб..



Дахадаевла район



Шандаван чІумати адабличилти

Дубурла яхІлицун уркІби дицІибти,

даруван дягІути хъуцІрумачилти

Багъадурти саби ил хІу буцибти,

Хъуммартид ил хІуни ца гъигълисалра,

Байрахъ ахъли буца, гъалабахІ башен.

Район саб пасихІти мугІяллимтала,

Къалам бугати писательтала,

Машгъурти мушлукъа, игитунала,

ХІед ну мурталра далайрикІулра,

Гъайлис марли буэн, район хІу дила

Илцадра жагаси куц кабиз хІела

Чилилра вирхІейрар ил цІахбаресра

Чи хІяжар вакІили бурцис викІалра,

ХІебурцу, сеналра, вари хІебурцу

ХІяжарти гъарахъли балтен, гъаммайрид

У дурхъали бихІен дигуси район.

Буземира баркатра кІел узи кІилизанти,

Илди биабну хІела, гъар хъулиб жамигІятла

Адамтачи гІяхІлашал даим хІу хІербикІули

Берхъаби дила район, район Дахадаевла

Убайдат Мирзасева

Илдачила хъумхІертехІе

Даршуси манзиллизиб жагъил-тала гІямру къябиахъути анцІбцкъуни кадикахъибтири нушала ва чумал цархІил улкала вегІбекІунани. Бахъалгъунтани итди дургъби политикунала хатІаличирли детаурти сари или бурули саби, сепайда... Дургъби дехІдихъесра хІедихъесра политикуназиб саби ихтияр, амма дургъбазиб улхути гІядатла солдатун саби. Се багъандан? Чис хІяжаттири итди дургъби? Илди ва дахъал цархІилти суалтас жаваб лугуси адхІейхъур, амма итди дусмазир днахъубти дяхъурби гъаннара хІянсавдули лерал. Тутиярла тІакъназиб хибти урш-бала децІли цІухбарибти бегІтала цІумла гъаннара гъар мерлабад чеби-хусиван гъанарулигу...

Афганистаннизи бархъибти нушала улкала 620 азир солдатлизи-бадди 15000 чарбухъи ахІен, къел-хІерзи агарли бетахъиб 273 солдат, дяхъи-хъаслизи бикили ва гарчкабиубли 53000 адам чулахъуни бетаур.

Афганистанна ванзаличир дургъби 9 дус, яра 2238 бархІи духъ-яндитІунтири.

2958 дагъистанланнира Афганистаннизир кадикибти дургъбазир бутІакъяндеш дарибтири. Илдази-бадди гъабзадеш ва игитдеш багъандан 769 солдат ВатІанна декІар-декІарти орден-медальтачил шабагъатлабарибтири. 75 жагъил чулахъуни бетаур, 127 бургъан «Груз 200» ибси уличилти тутиярла тІакъназиб сабухибтири. Илдала гІямру бегІлара вавали-дахъибхІели къябдердиб, дай уркІила марти дигай хІехъили калун, байхъала белчІи таманхІебиубси да-лай къяббердиб, илдачил дарх чула нешанала уркІибара дархли хІябла дигІяндариб...

Дубурла урехиагарти чІакнани дергъла майдайчир чедаахъибти гъабзадешла баркъудлумани лебилра дунъя тамашабирахъусири. Школа-лизиб белчІуди хъараахъурти жагъил-лти итмаданал дергъла цІализиб багъарбиубтири ва чула хала дудешунани ЧебяхІси ВатІа дургъба-зирван игитдеш ва гъунарти чедаахъибтири.

ВатІайс ва цархІилти улкнас къияндикибхІели илдала хъархІера-гардеш датахъес дурабухъунхІели, дахадаевлантира ца шайчиб ка-хІелун. 64 жагъилли интернацио-нальный чебла ахъибсири итхІели Афганистаннизиб. Илдазибадди шел багъадурли жан къурбандарибтири. Илди саби ДугІахъарла шилизивадси ГІялилов Рабазан ГІяласевич, ЧяхІрила шилизивадси Къурбанов Рабазан Халилович, Трисанчивадси Умалатов Рабазан МяхІяммадович, Меусишабадти - БяхІяммадов Раба-зан Исрапилович ва ГІяхІмадханов Валигуллагъ ХІяжиевич. Илдази-бадди гъарилли дявила авлахъичир, цархІилтас гІибратли биубли, игит-дешла гъунарти чедаахъибтири.

Нуни ункъли балути ва барх ца школализиб бучІули калунти дугІахъарлантани Афганистаннизир кадикибти дявила анцІбукъуназир

бутІакъяндеш дирути дусми гъандир-кур. ИтхІели почталъонка чераэсра дигули бири илаб къуллукъбирутала уршбала кагъуртачи хІерти нешанас, ил шилизи раклІарли хъулрази ди-гІянбиркулира бири сегъуна-биалра вайси хабаличила аргъишагу или. СенахІенну гъар мерларад хабурти иргъули дири жаназаличилти тутияр-ла тІакъа хили саби чидил-сабил ши-лизи или. Илгъуна хабарла аргъес хІейгулри Афганистаннизиб ахІи, цархІил мерличиб ВатІайс къул-лукъбирутала тухум-агъулисира. ЦацахІели Афганистаннизивадли ургъан чарухъунхІелицун балусири адамтани илини чинаб къуллукъба-рибсирил. Бахъалгъунти уршбани дигІянбирусири илаб къуллукъбир-ниличила. Илкъяйдали лебилра адам-тас гІярмиялизи живарибси Афгани-станнизи аркуси ургар или гъанбир-кусири ва ил дургъбази гъуниввал-тухІеливан тухумти-шанти къакъ-адешлизиб бирутири. ГІярмиялизи-вадди урши чарухъайчи илкъяйдали лебилра паргъатагарли бирутири...

ДугІахъарланти-ургаб Афгани-станнизиб къуллукъбарес жибаби-тири БяхІмуд Рабаданов, ГІябдул-лагъ Мяхишев, ГІябдулхаликъ СултІа-нов, ГІямар Амирбеков (ил КІечІух-лизиб хІерирусири), Минатуллагъ Рабаданов, Рабазан ГІялилов (ил Каспийсклизиб хІерирусири). Илди багъадурти шилизи чарбухъун ва даршуси бузерилизи ахъиб. БяхІмуд гъала-гъала декІар-декІарти хІянчур-бачив калун, гІергъити дусмазир ДугІахъарла шила бекІ вегтаур. Адам-тачи дигили вицІибси ва сирхІя-даргала шимазив халаси хІурматли-чи лайикъикибси ил гІяхІгъабза чу-мал дус гъалав къисматли нушазив-вадди кевасиб. ЦархІилтанара чучи лайикъти санигІятун чердикІили ламусличил бузули саби. Рабазан ГІялилов биалли...

ДугІахъарла урга даражала школала жаняхІла бяхІлизи че-ряхІкахъибти афганцыбала суратун-ургаб Рабазан ГІялилова бегІлара пашмансиван билзан. Сунела зилан-ти гъалабал хъабиубли, дурхІнала бегІти бетаурхІели, илдачибаддира акІубти лебхІели, ил сай хІерзи-къел агарли иш шалал дунъяличивадли арукъниличи, итцадра къугъаси кул-петлизиwadси сунела шайзибаддира гІяхІгъубзнала къам даимбирнилизи пай кахІебихъиличи илала сурат бархли къакъабикІусигъунари. Илала тазаси ва ахъси къаркъала, жагати дяхІ-някъ дила хІулбала гъалар гъан-нара лертиван гъанарули саби. Ил-дигъунти гІяхІгъубзни кебасибти дургъби чис хІяжаттирил сеннира аргъес гъамадди ахІен.

Афганистаннизирадли нушала гІяскурти урсадукибхІейчирадли гъанна 32 дус диркули сари. Ил анцІбукъ кабикибсири февральла 15-личиб. Ил бархІиличила нушани мицІирли лерай сеннира хъумхІер-техІе. ХІулбазир разидешла ва паш-мандешла нургъбачил. Разидешла — итди кахти дургъби тамандиънила, пашмандешла — бахъ хъярхъти урш-бала жан къурбандарни багъандан.

ПатІимат Къурбанова

Юлдаш гъаниркахъули



1977-ибил дусл март баз сабри ну бегІ гъалав хІянчиличи вадешкайибси. ИтхІели Дахадаевла рай-онна шила хозяйствозла управление-лизив технадзорли узусири. Ну тяни-шиубра бекІ агроном Шайхла Ражаб-личил, бекІ зоотехник ГІяммайхІяжи-ев ДаудхІяжичил, бекІ бухгалтер Къурбанов МяхІяммадхІяжичил, зем-лестроитель Лукъманов ХІяжимурад-личил, бекІ инженер Адамов НухІли-чил.

Адамла гІямрулизир мягІни-чебси саби барх бузули калунти юл-дашуначил бузерилизи ахъни ва ил-дани чула коллективлизи къабулвар-ни. Вайсира гІяхІсира дарх дуртІули, уржили хІердирни ва сабухъчерли дузни сабри нушала коллективла бекІлибиубсигъуна бетуца.

Илдигъунти марти юлдашун барх бузули калун набчил. Ленинна орденничи лайикъикибси агроном Шайхла Ражаб бахълис гІибратли вирусир. Чуйнара хозяйствобазе дарх дашули калунтири ва дахъал журала хІянчирби дирутири.

ХІянчи заманаличир дура-деркІахъес, духълумачи къаршити заралчиби агардарес, мицІираглис къуллукъбирни гІеббуцес, гІяхІси сортла духълуми дакІахъес багъандан дебалли чекайзурсири Ражаб.

МицІираглис дугени хІядурди-рес ва илдазирадли сархуси продук-ция имцІабиахъес халаси къайгъи дакІубирусири илини.

МягІничебси хІянчи сабри Лукъма ХІяжимурадлара. 140 азир гектарла ванза лебси район гъалабахІ башахъес багъандан узусири ил. 1990-ибил дуслизир кадикибти дарсдешу-начирли районнизир дахъал къи-яндешуни диубтири.

БегІлара дахъал дарсдешуни ванза бузахънила, хозяйствоби сагаси жураличи диркахънила, колхозуни-совхозуни дехънила сарри. Сагати журала КФХ, СПК, ООО, АО-бачи шурдатурли сари гъанна илдира. Ван-зала хІекълизир дуракайути законти ил сабухъчебли бузахъниличи дяхІчиаибти диалра, амма гІямрули-зир сагати дарсдешуни кумекли дета-рули ахІенри. Илди къиянти дусмала манзилра бекІ агрономла къуллукъ бузахъули калунсири ил.

Нушала юлдаш ГІябдуллала МяхІяммад Уркухъла шилизив акІуб-сири. Школа таманбарили гІергъи ил 1979-ибил дусличивад колхозунас ва совхозунас бекІдешдирути бурсиби-руси техникумлизив 2 дус учІули ка-лун. ГІур ил таманбарили гІергъи

Дагъиста шила хозяй-ствозла институтла агро-номический факультет таманбариб.

1986-ибил дуслизив МяхІяммад Уркухъла совхозла авлахъла бри-гадирла хІянчиличив узи. Жигарчевси хІян-чизарла устадеш, ванза-личи диги ахъли кыматладариб Шайхли ва районна руковод-стволи.

1990-ибил дуслизив ил районна шила хозяй-ствозла отделлизив бекІ агрономли катур. Чинав калун виалра, МяхІяммадди сунечи хъарси хІянчи халаси иштяхІличил, чебе-таахъили таманбири, жагІяйчи архІебихули,

ил заманаличиб таманра бири. Колхо-зунала, совхозунала руководительтас ванза бузахънила шайчиб кумек гІеббиахъи, илдала хІянчилис кымат кабалти, бригадирти гІеббурци.

МяхІяммад гІяхІси хІянчизар-цун ахІенри, ил пергер хъалибаргла бекІра сайри. Сунела хабчаб ГІябдул-лаева Сугълижатра сайра халаси ди-гиличил барх хІербиуб, урши ва кІел рурси абикъур, илдас гІяхІси бяркъ бедиб. Халал рурси Зулфият районна администрацияла ведущий специа-лист сари, Луиза районна централь-ная больницала медсестра сари. Хала-си дигиличил сунела баркъибтала баркъибти алавбурци илини. Илала бахъал юлдашун бири. Илди саби районна администрациялизив узуси МяхІяммадсегІид, бускран ГІяликъ-адиев СалихІ, ургІеран СегІидов МяхІяммадсегІид, гъуладтан Сапар. БахъхІи сунечил барх бузули калунти уркухъан МяхІяммадов ГІябдуллагъ, Алескандаров ГІябдулхаликъ, бус-кран Къасумбеков Паша ва цархІил-ти.

Халаси пашмандеш бетаур гъалабван нушала юлдашун-ургаб. Коронавирусла инфекцияла ламартли МяхІяммад нушазивад кевасиб. Сай дигути, сунес бигули калунти сунела кулпетлис Аллагъли сунес хІегибти гІямру дедаб, иш дунъяличир кадир-кути вайти анцІбукълумазибад саби берцахъаб.

Адам сай агарвиалли илала хІябал секІал кавлути сари къябберд агарси садакъара, сунес булгули сай хъумхІертуту кулпетра, сунени цархІиллис бедибси багъудира.

МяхІяммадди нуни балуливан, дахъал духълуми удатур, галгуби чедатурли сагаси жураличи шурда-тур. Илди ванзаличир лералли, ил халаси ва дурхъаси садакъа саби. Бахълис МяхІяммадди духълумачила ва галгубачила багъудлуми бахълизи минадарибтири. Районнизир удатур-ти 300 гектарла гІутІила, 120 гектарла унхърала сабухъчебдеш МяхІяммад-ла бамсриагарси бузерила гІяхІдешличибли саби. Дунъяличиб адамли батурси гІяхІбаркъ бетихъуси ахІен. илдигъунти пергер адамтази-вадсири уркухъан, сунела гІяпабаркъ, ГІябдуллала МяхІяммад.

**МяхІяммад Мухтаров,
Дибгашила ши.**

ГѣхІли гъанбиркур 1955 – 56-ибил белчудила дус. ГѣхІибил выпуск. Хѣбикес бирару хІябал дус, къяшлизи къяш бирхъули, Уркухълара Бускрилара дазуличибси «Дагурай» ихъули, белкунси гъуни. Гапла-деклар хѣдири итди дусми, хаслира дургъбазибад дудешуни чархѣбухъунти хъяшабас: чекагъес гІяхІсигъуна палтар, къяш ванабареси клантлти дабри хѣдикиб пинцукъуна. Чуйнара хъулухъунра, школа бархкабатурли, чекагъес палтарра лугуси, кани цІяббареси биркуси ПТУ-лизи вебшес.

-- Сабур, сабур, чераркъян къяндешуни, уркіагармай-руд, хІуцун ахІенри илгъуна, -- бикІули бухІналаси гъир. Итди дусмазиб районнизиб цацун бири урга даражала школа. Илра Уркухъла шилизиб. ХатІа хІеркасли, итхІели ил школали С. М. Кировлари у бихуси. ГІяхІцад А, Б, В, Г-хъали классуни дири. Сагадан хІербирулра нушала классла сияхІ. ВецІну авра шиламахъила дурхІа-русси бири ца нушала класслизиб. Ил-дазибад клел: Джанмирзаева Шагъризат – ГІяймамахъи, Умарова Аминат – Урахи, Сергокъалала районна.

ИмтихІанти дедибтала лугІи хІябцІайчи абиркулри: 27 цакласлантти, хІябал – ГІяммузган ГІябдулкъадир, Асаев Мусайд, МяхІяммадов Рабазан (цІухъ) екстерникуни.

Гъану верхІра вавали жагабарибси урда уркібала умудешли хиб харидешла пайда. Гъану цара узила урегал хІялал рузи, хІерличил уркіурбала тІутІубиуб шимази. УрегцІанну хІябра дус шалгІердухъун хъярхъ-хъярхъли, заманала зимла хъус бихули ара-сагъли. ЦацабехІ узби-рузбас къаркъсили убкабухъун заманала гІярчумаг, чула игъбарагрилис къантІбиуб гІямрула лаг.

Гъарил бархІи бургачир ца хІяна гъез имцІабикІули, иш-бархІи нуша, мицІирли лералти, шахли кланпбарибси

галгаван, цІуб-хІянкадиублира. ТабигІятла гъава гъигъбирули, мицІирли лералталара лугІи дусличиб-дус камкабикІули саби. Иш-бархІилис игъбарла бутІа инкІбяхъили, шалал дунъ-яличи хІердикІули лералти І2 сарра: І0 – мурул адам, клел – хъунул адам. Зубанкан Абакарова Къистаман. Къакъбала гидгариван дяхІ делкІунси Къистаман. Нушаб даргла рузбиван ахІерли калаб гъаман. ГІяймаулан Шагъризат, сен саби хІела къисмат? РикІеслирив ай, лазат? Лайикълив шула къимат? Нушала цалабикличила «Замана» газетализиб макъалара дурабухъунсири. Ил белчІи руилри Шагъризатлира. Ит замана Шагъризат хІеррирули руилри Изербаш шагъарлизир. Кагъар набчи баахъес, бускран адамлигІир умцІули, клел бархІи автостанциялизира ракІили руилри. ЦІурхакан СалихІ Бускрила шилизив узули калунсири. Ца хъунул адам гъамриуб, ва хъарбаиб: «ХІу бускран сайрив?»

-- АхІенра, рузи, амма бускранти нуни гІяхІил балути саби. Се гІягІнили? БяхІяммад бикІусира валаду?

-- Валас, сунела вяхІ амчІ, нукІун икІичира хъуравируси. Се гІягІнили икІизибад? Нуни бареси леббиялли, нуни черихъис.

-- Иш кагъар баахъес вируду?

-- Умутбихъа паргъатрии, гІяжаибли баахъиша.

Кагъарлизиб цакласлантас баркалла балахъулри. Сари шилизир математикала учительницали рузули калниличила, пенсияличи раъниличила, русиличир Изербашлизир хІерририличила балахъулри.

Гъанна чумал дус черхІедердили лералтигъунти гъарил дусла июнь базличир гъунибаъни дурабуркІули дирехІе. Иш дусла июньна 2І-личиб савли кисала «гъайдурцан» вигъирбухъун.

-- ЛехІлира. Чи сая паргъатагарируси?

-- ВяхІ, сен паргъатлири? Нуша Уркухъла шилизибси парклизир хІечи хІерлира. Гъунибаъниличила хъумартурлирив? – чехиб ирикълан ГІябдулкъадирла тІама. КъантІли илис нуша ВалкІа дикІутира. ГъимхІеркІар. Велкъайчи дукара вяхІили, ну сайра – хІушала ВалкІа. Ягъари, даг хІедирутирив багъахъес. Дила къалли автомашина агни баладая.

-- ХІела гІянцІа лихІбала нуша ахІенра гІяйибла дегІти, -- чехиб мякълавси Тузарла тІама. -- Къалабали сягІят 9-лис чесатхІеадли, гІякІа чебирхъехІе. Аргъирив? ХІела гІяйибтала мах хабчабличи чебирхъан, гъайда, -- чехиб дукелцІи.

-- Гъу-гъу, вахъ-вахъал къябикъярла гъимиван ватсатмалхъад, -- игъубра нунира жаваб.

Минатла ПатІиматван, майали гІяршикІули, ваира ну парклизі. ДацІли скамейкаби, агара мицІирси жан, галгубала къялуби лехІли сарри, агара алжан.

-- Гушдешла милкъи бячІес кафелизир леррану, калунси чІямсабарес ваши «витуркакІину», -- чехиб тІама ВалкІала.

Байхъала сягІятлисван учибикіб урегал: къяклан ПагъирхІяжила гъаббакиб лихІбар къапІа, чІишулан Тузарлира пархбухъун хІянбиуб бекІ, Иракъивадси ВалкІас кумеклабиуб гІяйса, Уркухъан гамса шяхІбан, гІур ГІябдуллала МяхІяммад вихули хІилхІи къяшма, ил-дала вархкъа нура.

Гъу, гъари, юлдаш Тузар, тјамадала тахличив валгири-ну даимлис, дураса нушаб хІукму: иригъла кафелизи наб гІеларад дашира.

Дурести камдирару шелшила вакилтала, ардякъунти, ляркъути лукъухІели бекІлизир. Дурес виару лерил ца биштІаси белкІлизир?

ЦІакътала ургъурлиув ват-

кавхъунси ВалкІани дурасиб сунна пикри:

-- ДуцІ урчила мурдаван гъалакли гІямрура лер, дехлиубси ябулан дамсурли къяшмира лер. Белики, юлдашуні, иш нушала цалабик гІергъисили уббухъес.

-- КъабулхІейкиб чІишулан ВалкІала пикриличи, агъ, хІела вяхІ амчІ, бускран. Шурагъигу ишичи. Бердилив гъари умут гІурил дус инкІбихъйичи. Духувирусирив мурт? Ца бархІили калунти лерилра дубкІахъулав? Ца калалра, вакІили, гъансабушаб алхунти. Эй, «устулл» алавти, их саби нушала хъя, буунсила бекІлизи чегаб урцулла чихъя. Аргъирив хІуни, тІумкъя!

-- Нуни къалли аргъира, се белкІира Аллагъли? Иличил жалта виркъес валтарав ну ГІямрули?

-- Широка страна моя родная, много в ней морей рек..., -- багъла-багълали дайиб ШяхІбай, ВалкІачи тІул бяхІчаили, даимиуб «как наивно думает этот человек».

-- Гъари, узи МяхІяммад батараа до-ла-лай. Сен-сен дурабикалра, хІядурлиран держес чяй, -- гъирвариб унра ШяхІбай.

Пагъир авкили вакІибси вахъхІила тјаниш къяклан ХІяжила МяхІяммад нушала масхуртачи тамашакайубли, тамай лехІкахъилри. Багъла-багълали ахъиуб, ярга-яргали къушумличи хІеризур, гІур бара аргъесли, вехІихъиб:

-- ХІушала ахІер жан дат, марлира, дургудая ургубала гІялимти. Чини, чинар диубти хІяздухъести масхурти? Масхуртани хІушала жагъкайзахъурра нура, гІяйса лайбакІесцада имцІабиуб гъирара. Баркалла юлдашуні, илкъайда хІердиънилис.

-- Гъари, тјамада, ихтияр а хІела унра шан набра, -- ира нунира гІяшли.

-- МицІирси адамличи лагъхІебирхъуси секІал лебси

ахІен. Гъарил анцІбукъличи бушинкадиэсера гІягІнибиркур. ГІябдуллала МяхІяммад, ТІагъир, Тузар, хІушала гІямрула бархкъяби ахиратла хъули Аллагъли арбукили, цункадухъахъунрая. Гъамадли хІейкІус хІушаб мукІурлира. Нуни бални хІясибли, хІушала дурхІни-руссибѣи вайтІа хІербирули ахІен. ГІурра ара-сагъли калаб саби. Илди вегІла биублихъар, вегІла хабчабла мякълабван азадли къяш гъадархкабатесра вирхІерни-ра балулра. Къисматличи къаршили кадиэсера нушазиб цІакъ агара. Калунси – сабур, яхІ, адамдеш, арадеш мяхІкамбарни.

Хим-биолог Тузарли хІебѣру хІянчи нехІекъ, бекІ бухгалтер ТІагъирли хІегалли бетиркул хІекъ. Архили сай ВалкІара гІитта бехІ диркъкабарес, разиикалли рахли ШяхІбан шинкъангу варес «Ликкаван» даражаличи далалай ахъли белчІес хъуликІули сай палчи, илис кумекчи виэс хІядурли сай Бускачи. ХІяжихъалла МяхІяммад, хІу сайри ургав бикъри, баабну хІела мурад, бура саркъибси пикри.

Дигахъира дардани хІярш-кадирули дягІли, уркіиларти къасани архІедашули дугІли.

ЗурхІябла верхІелра ранг дигахъира рурхІули, убатурси гъарил хенг берхІилиуб бухъули.

Дигахъира вава-къар гандзирули мирхъили, вайбаркъунала гІяскар чедиб ган-зхІебикІули.

Машара Медведъраван хІердиаба уржили, хІеркІла гІяшул къаркъаван, хІердирули чІумали.

ГІурра ахъри габ нушаб разили гъунидиэс, гъарилли хъали лушаб яшав эркинбѣахъес. Арадеш габ «цукиллис»!

БяхІяммад ХІябибуллаев, Бускрила ши.

Асадуллаевичлис багъишлабарибси назму

(Трисанчила школала мугІяллим гъаниркахъули)

БархІехъра чигІяланра
Дураулхъас гъаргала
ХІулбас гъала тІашбилзан
Шанти башуси гІиниз.
ГІинизла гъала тІашли
ГІинизлис салам лугас

Ассаламу гІялайкум
Школала мугІяллим!
Зум-зумла дяргІиб шинни
Милиглара ахъаби
ХІала у бихул гІиниз
ЧяхІбикІаб зум-зумла ши!

Илаб шинни бихутас
Илаб шинни бужутас
Аллагъли насибдараб
Шин чус дарман детааб!

Къаригар Ражаб



БАГЪУДИЛА УЧРЕЖДЕНИЕБАЗИРАД ХАБУРТИ

Гјадатуначила баянти гјаладихъиб



дуркѹли дирар. Гјаларванра, районна лерилра белчѹдила учреждениебазир ДАССР 100 дус биънила дузурбазир «Халкъла палтарла поэзия» ибти далдуцуни дурадερкѹиб.

Далдуцунала мурад - бучѹанти дубурланта мѹлатла палтарличил, илдачил дархдасунти ва мекелли халаси асарбарѹбти тарихла анѹбукъуначил тянишбарни сабри.



Нушала хала бегѹтала культураличила, гјадатуначила ва палтарличила дурхѹнази мурталра баянти гъандуршес, илди дяркъяхъес хѹжатси саби. Чеалѹси наслулис илгъуна бетуѹ гъаларла гјамруличила гъанбиркахъуси халаси савгъатлира бетарар. Илгъуна масъала ахъбурцули, Дахадаевла районнизира мурталра дурхѹначил деклар-декларти далдуцуни дурад-



Нушала нешанани ва хала нешанани дихули калунти палтарличила ункъли аргъахъес багъандан, бехѹбихъудла классунала мугјаллимтани мѹлатла палтарлис хасдарѹбти классла сѹгјатуни дурадερкѹиб.

Деклар-декларти мѹлатунала халкъанала палтарличил бегѹбиубти дурхѹнани илди иштѹхѹличил чедѹахъулри. Дурхѹнас гјахѹдилзулри гъаларла палтар, кѹнби, ирми, хъунул адамтала палтарличи диршутѹ ваяхѹ. Классуназибти дурхѹни кѹл къукъяличѹ буртѹлри. Ца къукъя уршбазибадѹли, кѹиэсил – рурсбазибадѹли

Билхъа дураберкѹиб



Нушала улкализиб мурталра билхъаби дурадуркѹутири ва гъаннара ил гјадат жигарчебли бузахъули саби. Цацахѹли билхъала бархѹи шадѹлихъичи бархѹи шурбулхъули бири. Савли жѹвли лебилра адамти къакъурбази дурабулхъутири ва цабалги бузес бехѹбирхъутири. Деклар-декларти хѹнчи бекѹдарѹли гѹргъи, хѹдурдарѹли гјахѹи берклумира шадѹлихъуни дехѹдирхъутири.

Дигеси саби ишхѹелла манзиллизибра илгъуна гјадат камси деклардешличил даимбирни. Ишди бурхѹназиб Дахадаевла районна

саби гјахѹлатала бузерилизи илди битѹкѹниличѹ. Илгъуна баркѹуди ишдуслизиб бегѹ гъалаб саби дурабуркѹуси ва гъар дуслизиб тѹклар-бѹрахъуси саби.

Районна шѹмазиб дурабуркѹуси илгъуна багаласи баркѹудилизир бутѹкъѹндеш дарѹб дурхѹнала бегѹтани ва хала бегѹтани, педагогунани, школьникунани.

«Гјахѹдешла билхъа» («Добрая суббота»)

школьникунанира лебил Россияла «Гјахѹдешла билхъа» ибси акция гѹббуцили, «Халаси пераменала» бутѹкъѹнчибани сагаси дусла бехѹбихъудлизиб пѹдалати баркѹудлуми дурадερкѹахъес илдала бегѹтира жибаѹиб.

Акция бѹхѹчиаибсири школьникуни волонтертала баркѹудлумачил тянишбарниличѹ ва районнизиб



Балбуѹла лебилра бутѹкъѹнчибани савлиличѹирадѹли чула суратунира видеобѹира соцсе-

танѹзи дурхъулри. Илдани балахъулри «Гјахѹдешла билхъала» бетуѹуни ва цархѹилти илдигъунти гјахѹбаркѹуни дурадуркѹес гъарилли вирниличѹла.

Имтихѹнтачи хѹдурбѹкѹули

Февралла 10-личѹб Дахадаевла районна багъудила учреждениебала 9-ибти классунала 352 дурхѹяли урус мезла имтихѹнничи хѹдурдеш бирнила мурадличил собесѹдованиелизир (хасли дурабуркѹуси ихтилатлизиб) бутѹкъѹндеш дарѹб.

9-ибил классла выпускникунас ил бегѹ гъалабси багъудлуми ахтардидирнила имтихѹн саби. Илала баянти хѹсибли ГИА-9-личѹ укъяхъес учѹаннис ихтиярбируси шартѹ саби. Педагогунани кѹмат луга

бучѹантани урус мез секъѹйда далулил белгибарѹли гѹргъи. Илдани бучѹантала пѹкруми дархъли аргъахъес балнила тѹхѹяр-къѹйда ахтардидиру.

Хъарбауд хѹбал хъарбаркѹулизибадѹли цаѹабѹкуси саби: текст бучѹни, илала мѹгѹна бурни ва имтихѹн къѹбулдирусиличил ихтилатбарни (диалог). Илди хъарбаркѹуни тамандарес багъандан 15-16 минут сари лугути. Бучѹантала жавабтас кѹмат лугуси саби експертѹли. «Итогла зачет» кассес багъандан 20-лизирадѹли бегѹла камѹли 10

балл сархес хѹжатси саби.

Арадешлизиб нукъсанти дурхѹнас имтихѹн лугнила манзил 30 минутла саби. Илгъуна бетуѹ пѹдалабаѹахъес районнизибадѹти 4 дурхѹяли багъахъур.

Имтихѹнтала хѹсилти февралла 15-личѹр къѹй хѹедѹахъубѹли, дагъахъес хѹжатси саби. Ил манзилла бѹхѹнаб хъарбаркѹуни тамандарес балкъхѹурти дурхѹнани кѹинайсра мартла 10-личѹр яра майла 17-личѹр сагадан имтихѹнанти лугути сари.

Жигарла бутлакьяндеш дариб



Чебяхіси ВатІа дергъла замана Сталинград-лизиб кабикибси дергъла халаси къадри лебси-ри. Илаб чедибдеш сархибси нушала ГІярмияла хІурмат ахъбиубсири дунъяла улкни-ургаб, фашистунала биалли - чедибдешличи хъул бер-

удлумани дунъя тамашабиахъубсири. Илгъуна секІайчила хъумартесра асубируси ахІен. Даха-даевла районна жагъилтанира «Сталинградла дергъ» ибти квестани дурадериб, итхІели ка-дикибти дявила анцІбукъуначил дархдасахъи.

деклар-декІарти бутІализирадли цаладикибти хъарбаркъуни тамандирутири. Гъарил бутІа таманбиубхІели, дурхІнани ветерантала сура-тунира илдала гъанбикуначилти карточкабира кайсутири. Илдани аги-къяйда дархъли ду-захъниличи трекертани хІеруди бузахъусири.



Сталинградлизир немецунала-фашистунала гІяскурти дарбадягъин-дарибхІейчирадли 78 дус дикнилис хасдарибтири илди. Районна туризма-ла ва жагъилтала баркъудлумала шай-чибси комитетли дурадерибтири ил-ди дергъла бутІакьянчибала гъунарта-чила гъанбиркахъути тарихла далду-цуни.

Районна багъуд-ила учреждение-базир илди кве-стани дура-дуркІути сари дурхІнас ва жагъилтас пат-риот баркъ луг-нила мурадлич-чил. Квест дура-

буркІнила дазурбазир лерилра командабас хъарбаркъуни лугутири.

Урхънишала школа-ла бучІантани халаси иштхІиличил квестла шел

дибсири. «Къяш гІелабяхІ кахІеціес» ибси Ста-линна буйрухъра мягІничебсири. Илкъяйдали давлачерти Кавказла ва Кубанъна ванзурби ду-цес ибси Гитлерла къас бетхІеберхахъур игитти нушала бургъантани.

Советский солдатунани итхІели чедаахъибти игитдешла ва гъабзадешла баркъ-



Устадеш чедиахъули

Ишди бурхІназир, Дахадаевла районна багъудила учреждениеба-зир ГТО-ла шайчирти далдуцуни дурадерибтири. БучІантани са-би спортлашал дебшлабиъни ах-тардибирусири илхІели.

«Дахадаев-арена» стадионничир ва физкультурала-спортла залана-зир физкультурала учительтала хІерудилиуб чедирти классунала дурхІнани «ВатІан батахъес ва бузериличи хІядурлира» ГТО-ла абзаназир бутІакьяндеш дариб ва гІяхІти устадеш чедаахъиб.

Илдани физкультурала-спортла къяйдурти тамандарес хІяжатти-ри. Илди сарри някъбачив ахъ-гІяширни (отжимание), гъар-ахъдешличи гІяхІулхъни, гиря бекІла чеди ахъбурцни, 60 метр-

личи дуцІулхъни ва цархІилти абзани.

ХІ.ХІямидовла училилси ДЮСШ-ла ди-ректор ГІябдуллагъ Керимовла гъай хІясибли, ишбархІи улкалис арати жагъилти ва ГІярмиялис цІакъти, къияндешуни чекасес биъсти бургъанти хІяжатти саби. Илдигъунти далдуцунира дяхІчаибти сари адаттала спортличи диги алкІахъниличи ва илдала арати ГІямру дихахъни-личи.

«Районна жагъилтаци пахрули вицІилра. Илдала някъбазиб сабигу нушала челябкълара. Илди багъудичебтили ва аратили биънилизир-бадди дигахъуси саби нушала районна, респуб-ликала ва лебилра улкала челябкълара. Нуша къайгъилизирра ГТО-ла абзани спортлашал гъаладяхІ ардякъунтили дихахъесцунра ахІи, жагъилти цабиахъесра», - викІули сай ГІ.Керимов.



Общий список кандидатов в присяжные заседатели для обеспечения деятельности Верховного суда Республики Дагестан по МО «Дахадаевский район»

№ п/п	Фамилия	Имя	Отчество	Пол	Дата рождения	Адрес постоянного места жительства					
						индекс	населенный пункт	административная единица	дом	корпус	квартира
1	2	3	4	5	6	7	8	9	10	11	12
1	Гасанов	Шахбан	Магомедович								
2	Магомедов	Магомедрасул	Расулович								
3	Гасанов	Маммаи	Магомедрасулович								
4	Гаджимурадов	Магомед	Курбанович								
5	Чупанов	Гасанбег	Гираевич								
6	Муртазалиев	Гусен	Бибалаевич								
7	Магомедов	Абабакар	Магомедович								
8	Магомедов	Рустам	Магомедович								
9	Магомедов	Рабазан	Магомедкадиевич								
10	Зугумов	Али	Таинович								
11	Гапизов	Аскандар	Ибрагимович								
12	Алиев	Тагир	Улешович								
13	Касумов	Магомед	Курбанович								
14	Гаджиев	Магомед	Лиьматович								
15	Ниматова	Пирдаус	Даудовна								
16	Абакаров	Абакар	Магомедгабирович								
17	Абакаров	Бахмуд	Омаркадиевич								
18	Абакарова	Патимат	Омаркадиевна								
19	Абакарова	Райсат	Гусеновна								
20	Абдулкадилова	Патимат	Мутаевна								
21	Ибрагимов	Омар	Алиевич								
22	Исмаилов	Исрапил	Абдулгамидович								
23	Курбанов	Ислам	Бахмудович								
24	Курбанов	Курбан	Магомедович								
25	Сулейманова	Салимат	Сулеймановна								
26	Гаджихмедов	Ибрагим	Исрапилович								
27	Гапизов	Абдулкади	Джаруллаевич								
28	Шахбанкадиев	Шамиль	Магомедович								
29	Маммаев	Мурад	Маммаевич								
30	Магомедов	Шамиль	Гусенович								
31	Алисултанов	Абдулла	Алибекович								
32	Магомедов	Магомед	Рабазанович								
33	Рабаданов	Рабадан	Рабазанович								
34	Тагиров	Баттал	Халимбекович								
35	Халитов	Али	Магомедович								
36	Омаров	Мурад	Магомедович								
37	Багомедов	Гасбулла	Ибрагимович								
38	Чупанов	Руслан	Магомедович								
39	Гаджихмедов	Ахмед	Алиомарович								
40	Арсланбекова	Сайгибат	Тайгибовна								
41	Алибеков	Рустам	Избуллаевич								
42	Магомедов	Абдулгапиз	Гамидович								
43	Гаджимурадов	Гусейн	Джабраилович								
44	Ниьматова	Муслимат	Омаровна								
45	Мутаев	Закарья	Гапизович								
46	Аскандаров	Али	Мутукович								
47	Даудов	Исрапил	Саидович								
48	Керимов	Рабазан	Шихшабекович								
49	Рамазанов	Курбан	Ибадуллаевич								
50	Салихова	Умужат	Магомедовна								

ГКУ РД УСЗН информирует:

ГКУ РД «УСЗН в МО «Дахадаевский район» проводит работу в соответствии с Законом Российской Федерации «О социальной защите граждан подвергшихся воздействию радиации вследствие катастрофы на Чернобыльской АЭС» от 15.05.1991г. № 1244 –1 (с изменениями и дополнениями) .

В связи с принятием постановления Правительства РФ от 28 января 2021 года №73 «Об утверждении коэффициента выплат пособий и компенсации в 2021 году» .

С 1 февраля 2021 года установлен коэффициент индексации 1,049 для выплат, пособий и компенсации, предусмотренных гражданам получателям выплат на следующих федеральных законов.


1. ФЗ «О социальной защите граждан подвергшихся воздействию радиации вследствие катастрофы на Чернобыльской АЭС» № 1244-1

от 15.05.1991г.

ФЗ « О социальной защите граждан Российской Федерации, подвергшихся воздействию радиации вследствие аварии в 1957 году на производственном объединении «Маяк» и сбросов радиоактивных отходов в реку Теча» № 175-ФЗ 26.01.1998г.

ФЗ от 12.01.1996г. № 8 –ФЗ №О погребении и похоронном деле». Размер социального пособия на погребение на 2021 год составляет 6424,98 рублей.

Ведущий специалист
Р.И. Алжанбекова.



Общение с должниками и взыскателями переведено в электронный вид

В рамках Всероссийской акции «Узнай о своих долгах», ежегодно проводимой Управлением Федеральной службы судебных приставов по Республике Дагестан Дахадаевское районное отделение судебных приставов сообщает о работе нового сервиса на Едином портале государственных услуг, который позволяет должникам и взыскателям направлять в Федеральную службу судебных приставов заявления, ходатайства, объяснения, отводы и жалобы по исполнительному производству в электронной форме. Сервис доступен как для физических, так и для юридических лиц. Реализация электронного вза-


имодействия позволит исключить личные визиты должников и взыскателей в УФССП России по Республике Дагестан, сократить объем бумажного документооборота. В ближайших планах - запуск платформы полномочий юридических лиц на портале Госуслуг, что позволит генеральному директору в интересах компании делегировать полномочия сотруднику по подаче ходатайств судебному приставу. Сервис разработан Федеральной службой судебных приставов совместно с Министерством цифрового развития, связи и массовых коммуникаций Российской Федерации и включает в себя основные жизненные ситуации, требующие обращения к судебным приставам в ходе исполнительного производства. Должники смогут вернуть излишне удержанные денежные средства, проинформировать судебного пристава об оплате задолженности, заявить об уважительных причинах невозможности исполнить требования исполнительного документа. Взыскатели смогут подать заявление о вре-

менном ограничении на выезд должника за границу, сообщить судебному приставу об имуществе должника, повторно направить исполнительный документ на исполнение судебному приставу, а также проверить правильность взыскания денежных средств с должника. Для улучшения качества, сокращения времени обработки информации и предоставления государственной услуги планируется изменение законодательства, которое позволит часть данного взаимодействия сделать полностью автоматизированным со стороны ФССП России в режиме реального времени, без непосредственного участия судебного пристава. Цифровой сервис доступен для всех пользователей, зарегистрированных на портале Госуслуг, во всех субъектах Российской Федерации.

Управлением Федеральной службы судебных приставов по Республике Дагестан
Дахадаевское районное отделение

Как записаться на вакцинацию на ЕПГУ


1. Перейти на сайт gosuslugi.ru;
2. Авторизоваться в личном кабинете Единого портала государственных услуг;
3. На главной странице Единого портала государственных услуг кликнуть по баннеру «Защитите себя и своих близких» «Сделайте прививку от COVID - 19» <https://www.gosuslugi.ru/landing/vaccination>;
4. Кликните «Записать на вакцинацию»;



5. Заполните форму, в которой необходимо выбрать пользователя для записи и внесите персональные данные пользователя (ФИО, СНИЛС) и полис ОМС (Если данные были в профиле пользователя, то они загрузятся автоматически);

6. Выберите лечебно-профилактическое учреждение для записи;

7. Выберите медицинскую услугу «Вакцинация от COVID-19»;



4. Выберите медицинскую услугу, которую хотите получить

5. Выберите врача, к которому хотите записаться

8. Выбираете удобную дату и время приёма, эти данные добавляются в календарь. После нажатия кнопки «Сохранить» происходит запись на вакцинацию;
9. Аналогично можно записаться на второй этап вакцинации, при этом система автоматически предложит выбрать срок не ранее чем через 21 день после первой вакцинации;
10. Информация о записи на все этапы вакцинации поступает в личный кабинет на ЕПГУ, а после вакцинации система предложит вести дневник самонаблюдения на портале либо в мобильном приложении. Напоминание об этом будет приходить в установленные дни – сначала ежедневно, потом реже;
11. По завершении второго этапа вакцинации можно будет оформить электронный сертификат о прививке в виде QR-кода. Код можно будет предъявлять при необходимости..

Нешла мез ункъли далухъели

Гъариллис веґла нешла мез дурхъати сари ва илди мяхъамдирни нушала чеблара саби. Илди че-алкълуси наслулизи хъумхъертахъес ва гъаладхъи дашахъес ибси къасличил деклар-декларти далдуцуни дурадуркълуси сари Дахадаевла районнизи. Гъалаб-ван районнизиб дураберкълуси нешла мезличил произведениеби дучълила конкурслизир 25 дурхъали бутлакъяндеш дариб.

Уркухъла Гъахъамдхан Абу-Бакарла училил-



си дахъал шалубарси гимназияла дазурбазиб Дагъиста авортала произведениеби нешла мезличил дучълила республикала конкурсла муниципалитетла бутла бетерхур. Ил дураберкълуси районна багъуди гъалабхъи башахъили Центрли.

Конкурслизир бутлакъяндеш дарахъес жиба-рибтири 11 ибти классунала бучъанти. Балбуцличи цалабикилри нешла мезла кыматбарес баланти ва ункъли произведениеби делчъес уstadеш лерти. Илкъяйдали, конкурсла 25 бутлакъянчили Дагъиста поэтунала Гъахъитигъунти назмурти делчълун.

Заллизи цалабикибтала веґла крайлици ва Ватъайчи, нешла мезлици уркъл-уркълларадти диги лерни багъеслири. Конкурсла бутлакъянчибанира чучи лехъизуртазир патриот бяркъла шайчир кагьити пикруми алкълхъулри ва дугати пагъмурта-чибли лебилра хъайранбирахъулри. Багъуди гъала-бхъи башахъили Центрла методистуназибадди ва нешла мезла мугъяллимтазибадди цалабикибси жюрили конкурсла бутлакъянчибас кымат лугулри.

«Илдигъунти конкурсуну дурадуркълуси диге-си саби. Нешла мез къалли нушала культура ва Гъадатунуцунра ахъи, илди нушала тарихла бету-

цунира сари. Нешла мез агарли общество гъалабхъи башесра хъебирар. Нушани нешла мез мяхъамдирес хъажатбиркур», - буриб багъуди гъалабхъи башахъили Центрла директорла заместитель Райза-нат Хъасановани.

Балбуцла итогуни кайули, Уркухъла М.Г.Гъялисултъановла училилси дахъал шалубарси лицейла нешла мезла мугъяллим Раисат Абубакаро-вани цалабикибтас ва конкурсла бутлакъянчибас баркаллала дугъби дурули, гъайрухъун. Илини бу-риб конкурсла бутлакъянчиби ункъли хъадурбуиуб-лири ва илдани нешла мезра гъахъил далулри или.

Конкурсла ахирличиб чедибикибтала уми гъандушиб.

Цаибил мерличи лайкърикиб Уркухъла дахъал шалубар гимназияла ручъан Диана Гъябдура-шидова.

Къиибти мерани сархиб Уркухъла дахъал ша-лубарси лицейла ва Чъишилила школала бучъанта-ни.

Хъабъити мерани дедиб Трисанчила, Бус-крила, Зубанчила ва Дибгашила школала бучъантас.

Конкурсла бутлакъянчибас баркалла багъахъур ва чедибикибтас грамотаби дедиб.



Диана Гъябдурашидовани февральла 28-личир республикала конкурслизир бутлакъяндеш дирути сари.

Хъулани гъардизур

Сагал дуслизир дурхъинани Дяхъила Хала дешлизи тиладибирули бирар чус сегъуна биалра савгъат бархъахъес. Гъалабван Дахадаевла районна Уркухъла шилизибадти кълел узи Хъябибулагъли ва



Мяхъаммадли лебил Россияла «Хъуланала ёлка» иб-си акцияла дазурбазиб савгъат касиб.

Ил балбуц бяхъичаибси саби багъуди гъала-бхъи башахъилис кумеклидирути ваяхъи, жузи, музы-

кала гъагъинахълуми, цифровая техника, хъязла ваяхъи, спортла гъагъинахълуми, палтар ва цархъил-ти хъажатдирути секълал тлалабдирнилизир дурхъинала хъулани детурхахъиличи. Дяхъила Хала дешлици бархъибси открыткализиб узбани бинокль бархъатес тиладибарисир.

Районна бекъла заместитель Артур Хъямзатов районна туризмала ва жагъилтала баркъуддумала шайчибси отдела начальник Мадина Мяхъамма-довачил вархъи узби Хъяжабакаровхъайчи гъав-вакълб ва Дяхъила Хала дудешла шайзибадди би-нокль савгъатдариб.

Дурхъинала хъулани гъардизахъес кумекбирули, сай сикълрула караматдеш лерсили чеваахъес гъар-ил адамлис дигахъу. Ил акциялира адамтас илгъуна баркъуди дураберкълхъес имканти алкълхъули сари. Нушала сикълрула веґи адамлис сунела у гъанбушили дигули ахъен, илис узбала хъулани гъардизахъес дигулри.

Узбани чус илцадра дигути бинокль касиб ва илди пайдаладаресра гъалакбикълулри.

Се-биалра халабиахъубли чебиэс хасдарибси хъязла ваяхъили узби лебгълеб разибаахъублири.

ШИЛА ГЪЯМРУ

СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: inf.otdel17@mail.ru

Тел: 55-40-71

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая ко-муникациябала, бархбасла ва куль-тураласи букъур мяхъамбирнила шайчиб хъеруди бузахъуси Феде-ральная службала ДР-лизибси Управлениелизиб белкълуси саби. ПИ № ТУ 5-0047

Газета дурабулхъуси саби жумягъи бархъи.

Дусли 52-на дурабулхъан.

Индекс -- 63314

Печатьлизи къулбасбарес кабизахъурси замана -- 16.00.

Печатьлизи къулбасбариси замана -- 16.00.

Редакциялизи дархъибти белкъланас рецензия лукълуси ахъен, я илди чула бегъитачи чардирути ахъен.

Газетализи кадирхъути материал-тала авортала пикрумачил редакцияла пикри цугхъебикесра асубирар

ДР-ла миллатласи политикала, ин-формацияла ва дуралати бархбасу-нала шайчибси министерствола га-зетабала-журналтала типография-лизиб кабяхъибси саби.

Адрес: 367018 Мяхъачкъалала шагъар, Насрудиновла училилси къакъа, 61

Авортани чула материалтала хъекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, Г.Г. Гъялиевла училилси къакъа, 9 "а"

ТИРАЖ – 800 экз

Бекъи редактор

Чапарова М. М.

Редактор

Курбанова П. О.